

畿

輔

安

瀾

志

畿輔安瀾志

衛河卷五

隄防

衛河隄上接河南彰德府內黃縣界其東岸起自大名縣西南之軍寨村訖於東南之五里鋪長六十餘里西岸亦上接內黃縣界起自大名縣西南之張二莊袤延元城縣界下至善樂營入山東館陶縣界長

一百五十六里並高四五尺頂寬七八尺底寬一丈七八尺至二丈

方輿紀要衛河隄自魏縣回龍鎮東北抵大名縣界景泰中築 大名縣志大隄在縣西北五里起新鎮至館陶延袤三百里成化丙午知縣李瓚築隆慶五年知縣李本義增築之起張二莊至曹家道口約八十餘里高一丈濶二丈後漸圯萬曆三十五年夏六月衛河隄潰溢冲大名城三十九年

知縣趙一鶴連加修築屹如巨防 大名府新志  
國朝歲時修築乾隆二十二年二十四年衛河溢出漂  
沒田廬而隄無大損

謹案宋史河渠志哲宗元符二年張商英議築御  
河西隄徽宗崇寧元年詔增修御河西隄明年復  
修西隄政和五年增修御河東隄皆館陶以下之  
隄也

艾家口隄

二統志在元城縣南接大名縣界舊時衛河所經也明初置水驛於此後廢

飲牛口隄

以上諸隄屬衛河 二統志在元城縣東十里地勢窪下每秋雨霖潦水積其中卽水退亦不可畊植明嘉靖二十四年開爲官渠

運河隄清河縣管天字四十三號自鹽店村接東省界至牛家墳止長四十里分三十六段次險工二第

五段埽灣頂冲曰邱家疇圈隄第十五段埽灣頂冲  
曰土龍頭隄地字十五號自鄭鎮果子口接東省界  
起至白馬廟止長十五里有奇又自焦姑寺接東省  
界起至孟家灣止長五里有奇分十九段險丁三第  
七段迎溜頂冲曰刁家門前第十一段埽灣汕刷曰  
焦枯寺前第十二段埽灣冲刷曰范家圈月隄吳橋  
縣東岸黃字共三十八號西岸字字共三十三號東  
西岸各長四十二里東岸自黃字一號起至十九號

止分二十五段每長十五里險工六第廿一段頂冲  
曰李家門前縷隄第十三段迎溜曰安陵街河岸第  
十九段頂冲曰南月隄第三十二段頂冲曰老月隄  
第三十四段暨三十五段頂冲迎溜曰徐家莊西月  
隄西岸自字字一號至十六號止分三十段長十五  
里險工六第六段迎溜頂冲曰官柳圈西第十一段  
埽灣曰三官廟後第十七號埽灣曰陳家濠縷隄第  
二十段埽灣曰眞武廟前第二十五段埽灣曰縷隄

第二十七段迎溜頂冲埽灣曰縷隄東岸自黃字二十一號起至二十八號止分十八段長二十七里險工五第二段埽灣曰徐家莊北縷隄第三段頂冲曰徐家莊北官隄第十段頂冲埽灣曰十五里鋪南月隄第二十六段暨二十七段埽灣頂冲曰三里淺官月隄自德衛柘園鎮北至清水灣止乾隆二十五年新歸東省隄工無字號分十九段長二十里險工三西岸自字字十七號起至三十三號止分三十一段長



二十七里險工三第十段埽灣曰蘇家莊南月隄第  
十八段埽灣頂冲曰李梅莊東隄第二十四段埽灣  
迎溜曰三甲莊縷隄東光縣東岸宙字西岸洪字各  
二十五號東西兩岸均長六十里東岸自宙字一號  
起至二十號止分五十五段長三十里險工二第三  
十九段頂冲埽灣曰趙家隄第四十九段埽灣曰小  
龍灣月隄自宙字二十一號起至二十五號止分四  
十九段長三十里險工一第十段埽灣曰鄭家隄西

岸自洪字一號起至十六號止分六十一段長三十里險工四第二十二段迎溜頂冲曰中節舊隄第二十九段迎溜埽灣曰施家隄第二十一段迎溜頂冲曰張家縷隄第四十七段埽灣曰廖家隄自洪字十七號起至二十五號止分四十三段長三十里險工二第十六段埽灣曰南達隄第三十段迎溜汕刷曰夏口西岸日字六十六號長七十里自日字一號起至三十七號止分八十八段長四十三里險工五第

三段埭灣汕刷因廟前河岸第二十三段埭灣頂冲  
曰泊鎮南頭第二十四段埭灣頂冲曰玉皇閣樓隄  
第四十四段埭灣頂冲曰烟墩月隄第五十四段迎  
溜頂冲曰李家月隄自日字三十八號起至六十六  
號止分四十一段長二十七里有奇險工三第四段  
迎溜頂冲曰大李家樓隄第十五段迎溜埭灣曰剪  
子屯月隄第三十五段迎溜埭灣曰白洋橋月隄南  
皮縣管東岸月字號共長六十六里自十三里口北

至大廟長四十六里分七十五段險工六第十四段  
頂冲油刷曰蕭家圈官隄第十六段頂冲埽灣曰蕭  
家圈民隄第十九段埽灣曰段家隄北第三十三段  
埽灣曰殷家隄第三十六段埽灣曰劉家隄第四十  
四段對溜頂冲曰張家月河隄西岸係交河縣河隄  
河間府屬束岸自大廟前起至磚河寺南交滄州捷  
地長二十里有奇分三十九段險工八第一段頂冲  
曰大廟隄第四段埽灣曰西邢月隄第五段埽灣外

窪曰薛家窩隄第七段埽灣曰東邢隄第十六段埽  
灣曰小無名月隄第二十段埽灣頂冲曰娘娘廟前  
縷隄第三十二段埽灣曰無名淺縷隄第三十七段  
頂冲埽灣曰三官廟西河岸滄州東岸烈字號共長  
六十五里兩岸戾字號共長四十一里東岸自磚河  
大寺至佟家墳計二十七里分三十二段險工三第  
十九段埽灣曰回回灣月隄西岸自好漢墳至蓮花  
池計二十九里分三十段險工五第六段埽灣曰飲

牛淺月隄第十二段埽灣曰蕭家莊東月隄第十三  
段埽灣曰蕭家莊東北遙埵第十七段埽灣曰流佛  
寺前縷隄第十九段埽灣曰流佛寺東月隄東岸自  
佟家墳起至高官屯北交青縣興濟汛計三十八里  
分六十五段險工六第二十七段埽灣曰堡子前河  
岸第四十一段埽灣曰大朱家墳月隄第四十五段  
埽灣曰南橫隄老月隄第四十五段埽灣曰褚官屯  
南老月隄第四十五段頂冲曰褚官屯月隄第六十

四段埽灣曰北安堵淺月隄西岸自蓮花池至河窪  
駐交興濟汎計十二里分二十四段險工五第一段  
埽灣曰蓮花池縷隄第六段頂冲田石塘淺月隄第  
十三段埽灣曰棗寺前月隄第十九段埽灣曰楊家  
窪縷隄第十四段埽灣曰戴家圈遙隄東岸辰字號  
共長一百二十一里東岸自于官屯南起林官屯止  
長十八里有奇分二十五段險工二第八段埽灣陸  
立曰興濟鎮渡口第二十段埽灣曰小張家莊淺北

西岸自河窪莊起至鮑家嘴止長十六里分七十七段險工八第四段埽灣曰鄧大圈縷隄第七段埽灣曰劉家院縷埧第十段頂沖外坑曰花園後縷隄第十八段埽灣曰邢家莊前土埧第二十八段埽灣曰姚家莊後迤隄第六十五段暨六十六段埽灣曰二道溝縷隄第七十五段埽灣曰劉家墳南隄南接與濟北交唐官屯汛東岸自林官屯起至後馬厰入靜海縣境止長四十里分五十五段險工八第七段埽



灣曰譚缺屯西遙隄第八段埽灣曰譚缺屯北遙隄  
第十一段埽灣曰柳苗屯北遙隄第二十三段埽灣  
曰唐家窑遙隄第三十一段埽灣曰外八里塘月隄  
第四十六段埽灣曰界宿淺遙隄第四十八段埽灣  
曰堡子前縷隄第五十一段埽灣曰後馬廠縷隄西  
岸自鮑家嘴起至北蔡莊止計三十二里分二十七  
段險工七第一段埽灣曰鮑家嘴縷隄第二段埽灣  
曰鮑家嘴北遙隄第八段埽灣曰胡家莊月隄第十

二段頂冲埽灣曰劉家莊墳月隄第二十段頂冲埽  
灣曰南蔡莊北遙隄第二十七段埽灣曰北蔡莊北  
遙隄自北蔡莊起至趙家窪止長三十二里有奇分  
五十三段險工九第五段埽灣外窪曰蕭家莊南老  
埽第九段頂冲埽灣曰流河鎮河岸第十一段曰元  
帝廟前縷隄第十六段頂冲埽灣曰小屯西老埽第  
二十六段頂冲埽灣曰曲家莊縷隄第三十三段迎  
溜曰馬集縷埽第三十四段頂冲埽灣曰林家莊北

縷埵第三十五段頂冲曰張家官屯遙隄第四十六

段迎溜頂冲曰佟家園縷隄

順治十六年裁興濟縣歸并青縣河程隄岸自

范州褚官屯以  
北悉屬縣境

靜海縣東岸張字號共長一百十六

里西岸列字號共長八十六里東岸自馬廠起至陳

官屯計四十六里分七十六段險工四第四段迎溜

曰佟家樓官縷隄第十五段埽灣陡立曰李振基屯

河岸第二十六段頂冲回溜曰西漫撒官縷隄西岸

自趙家窪接本汛至曹家疙疸計三十里分二十四

段險工二第二十段埽灣頂冲曰釣臺北月隄第三  
十一段迎溜曰鄒家嘴河岸東岸分五十三段自陳  
官屯起至田家隄止險工三第四十四段埽灣曰官  
家縷隄第四十八段埽灣曰五里莊官縷隄第四十  
九段埽灣曰韓家縷隄西岸分七十四段自曹家疙  
疸起至大井止險工七第十段頂冲埽灣曰程家縷  
隄第十五段頂冲埽灣曰蕭蘆縷隄第二十三段埽  
灣曰莫家縷隄第三十七段頂冲曰遂家院縷隄第

五十二段頂冲埽灣曰大谷縷隄第六十七段頂冲  
埽灣曰小劉家縷隄第七十四段頂冲埽灣曰喬家  
縷隄東岸分四十段自田家堤起至碾陀嘴險工二  
第二段埽灣曰蕭家樓村南土埧第二十九段埽灣  
曰王成龍縷隄西岸分六十六段自大井起至碾陀  
嘴汎險工五第十段頂冲埽灣曰大劉家縷隄第二  
十九段頂冲埽灣曰曹家縷隄第三十五段迎溜頂  
冲曰孫家縷隄第四十三段頂冲埽灣曰臧家縷隄

第五十八段埽灣曰桑園後縷隄

靜海縣志運通東南賦稅上游遠其

淺而淤至靜則慮其冲而決蓋裕源一派其勢小至青縣則滹沱河從完固口分派夾河而達於衛兩河交流其勢始大且靜居九河下流地勢最窪靜邑水程一曰二十四里淺鋪八內有口岸四十二處額設淺夫六十名管河主簿每歲於春初開工率夫逐處脩補至七八月未遑告竣而大水時至防禦立窮非督脩之不力以工長人少故也今考靜海自雍正三年撥縣東北十五村莊歸天津縣屬故河道隄埽與諸書所載不同合城西河身逕直所在頗號平工且滹漳二水不由鮑家嘴者已數年而上游一帶減水開濬又分其勢乾隆八九年間兩岸月隄厯汛放淤化險爲平及今伏秋防守如常要與昔時工長人少之勢異也天津縣南岸寒字號共長四十二里有奇隄工

自碾垞嘴接良工莊汎東至教場東頭止計三十里  
自此迤東爲河岸分九十六段險工二第十八段埽  
灣曰大蔣家莊後縷堤第五十段埽灣曰小園南縷  
堤北岸來字號爲趙家場汎亦長四十二里有奇自  
碾垞嘴接良莊把總汎東至獅子林俱屬河岸不設  
隄埧蓋以恣運河之異漲得分洩子牙河入淀也又  
東則爲海河疊道景州官民各半元字二十四號專  
管西岸南接德衛北入吳橋縣長十九里分二十五

段險工三第十一段迎溜頂冲曰馬家井壩頭第十  
三段頂冲埽灣曰真武廟前縷隄第十九段埽灣曰  
觀音堂其第五段之琵琶灣向屬頂冲迎溜乾隆二  
十四年秋汎奔濤急下冲灣作直化險爲平兩岸宇  
字一號至十六號止分三十段長十五里其險工見

吳橋隄下

河自館陶全漳分注而下水波鼓盪諸淺皆經冲刷漸次日消而州屬河灣險要惟

舊隄卑薄是虞乾隆六年八年知州屈成霖兩次勸  
用民力相視河流頂冲建築月隄故河道今猶恃以  
無恐南減水河土埧起自滄州提地壩口至劉三家莊



止長一百五里雍正四年築又有通隄一道在南埝  
之外起自于家莊迄於小吳家莊凡長五十餘里  
北減水河土埝起自青縣興濟鎮壩口至老隄頭止  
長八十三里雍正四年築

乾隆五年直隸總督孫嘉淦總河顧琮奏畧濱青  
兩減河隄岸逼近河身單薄殘缺若全體幫貼需  
費太多惟就勢展寬幫培用資捍禦應將捷地減  
河南岸自龔家堤起至夏家莊止展築諸隄一道

將舊隄拉成坦坡北岸自于家茶棚以下至夏家莊止擇其單薄險要者如幫築成坦坡夯礮堅固卽就河中取土將河身展寬挑深興濟減河北岸自周龍莊起至道口止亦將舊隄拉成坦坡南岸則自周龍莊以下至蔡家莊止幫築隄坡悉照北岸辦理如此則上半截隄可以堅固河身亦展寬聚汎水過閘可以無患

捷地村南滾水壩在滄州西南十二里南運河東岸

河自壩口起至劉三家莊長一百一十里兩岸有土隄滄州風化鎮店巡檢專管嘉慶十二年起高壩底龍骨二尺二寸

興濟鎮北滾水壩在青縣東南三十里興濟鎮北五里運河東岸河自壩口起至大波口止長九十二里兩岸築有土隄白壩口至界濠青縣興濟巡檢管轄自界濠至大波口滄州李村巡檢管轄嘉慶十二年起高壩底龍骨二尺

謹案二壩俱前明創建雍正四年建修五空閘座  
依時啓閉嗣因運河汎水漫溢爲患經總督楊廷  
璋奏請於天津縣城西添挖減河立閘座以資分  
洩恭逢

高宗純皇帝南巡

親臨閱定止須將興濟捷地減河閘座改爲滾水石壩將捷  
地壩石落低一尺二寸興濟壩石落低一尺減水  
河先於乾隆六年在南岸清水泊蔡家莊二處設

立涵洞知縣周顧勲經理其後清水泊涵洞僅可  
疏水而蔡家莊涵洞已廢壞無存十七年三次水  
利案內於閘口對岸裁灣取直實存一百五里因  
保家莊河形甚灣曲故也地勢北高南下故閘壩  
俱係新岸其西岸築新隄六十丈又於舊河內設  
攔水大壩一座十九年水冲保家莊北岸新隄漫  
溢三處知州詳同文安大城二縣備料搶堵嘉慶  
七年以工代賑修築兩岸要工并挑濬捷地興濟

減河今北岸子來屯小吳家莊屬家莊南岸良口  
呂家橋有碑涵洞六座北減水河曾於乾隆十一  
年疏濬並無涵洞考明實錄嘉靖十年八月巡按  
直隸御史詹寬言河隄以草束土累築而成故隄  
善圯宜及時加土以障其河洪仍具復興濟捷地  
二閘以石甃之時其蓄洩以殺其勢方輿純要滄  
州減水河宏治中建以備衛河之泛濫此二閘建  
置之始也嘉靖十四年七月曾紳奏漕河自臨清

而下汶水與滄水俱水合流北至青縣復合磁滹  
諸水經流千里始達直沽每大雨時行百川灌注  
其勢冲決散漫請於瀛渤之上流如滄州之絕隄  
興濟之小帚灣德州之四女寺景州之泊頭鎮各  
修復減水廢閘引諸水以入於海則大勢分而不  
爲害報可景州泊頭鎮閘亦卽德衛哨馬營閘也  
蓋因接壤故各指所近之地爲言耳 總督溫承  
惠等奏畧青縣之興濟壩口寬八丈足資宣洩且

土性堅實兩岸隄工亦不甚殘缺滄州捷地亦口  
寬八丈測量壩底高出運河水面僅一尺五六寸  
不等較從前開壩時所奏水深尺寸河底約已淤  
高二尺減河又間段淤墊兩岸隄工亦多殘缺應  
將捷地壩底龍骨起高二尺二寸興濟起高二尺  
並挑挖減河積淤培築隄工以資捍禦

子來屯涵洞在滄州東北四十里南減河北岸小吳  
家莊涵洞在子來屯東北二十里南減河北岸



閻家莊涵洞在小吳家莊東北十里南減河北岸

呂家莊涵洞在閻家莊東北十里有二一在南減河北岸一在南岸

青龍口在清河縣城東南一里近疏水渠

下口亦曰夏口在東光縣北二十里

馮家口在南皮縣西北三十里與交河接界河東爲

南皮河西爲交河

寨里口在靜海縣南運河東岸也

窩子口卽靜海縣治

橫家口在靜海縣北三里許衛河東岸也雍正五年議於此開引河後中止

獨流口在靜海西北十八里

謹案一統志云九域志宋史河渠志皆以獨流口爲御河入界河之處寰宇記則以爲御河入海之處蓋入海處其東口也今考東口名曰三义口考宋史河渠志元祐四年范百祿言案行黃河獨流

口至界河又東至海口百祿所言海口卽一統志  
之所謂東口也是時或未有三义口之名至大觀  
二年都水使者吳玠言自元豐間小吳家口決北  
流入御河下合山西諸水至德州獨流砦三义口  
八海於是始有三义口之名一統志疑九域志宋  
河渠志與寰宇記有異同蓋宋時御河由界河入  
海經獨流口至海口統之名曰獨流而不曰三义  
禹貢錐指獨流口在靜海縣北二十里劈地口在

縣東北又東爲三义口叙次最爲分曉、

辛口在獨流北二十里運河東岸也

柳口在辛口北十里天津縣西三十里今名楊柳青  
居民數千家商賈輻湊

稍直口在柳口北十里天津縣西二十里運河東南  
岸也

三义口卽三义河口也在天津郡城東北里許  
劈地口在天津縣東南一百餘里卽今海口也

天津道陳宏謀南運河自獨流楊柳青至天津西岸不宜築隄說畧南運一河會衛汝二河之水益以漳河之水同爲濟運蜿蜒數千里至天津而歸海沿河兩岸皆築隄以束之有不啻重圍外衛然者固以防其漫決亦以漳濁所過若不束之使速歸海水緩沙停立見淤淺運漕之艱阻久矣惟靜海之獨流鎮至楊柳青四十里東岸有隄而西岸無隄又自楊柳青至天津三十五里東岸有隄西

岸只有商人捐築小埵高不過三尺官不請修民不加築由來久矣前道張公坦熊曾有立碑道旁永不許築隄之請兩臺批下再查張公以陞任去余適承乏此間熟察形勢證之往事乃知張公實爲遠見蓋緣天津海河爲南北衆水所歸獨流楊柳青一帶東近運河西連淀池朝夕一日兩至夏秋汎發南北諸水滙歸天津四望瀰漫驟難歸海正賴此無隄之岸運河水大聽其洩入淀池稍爲

停頓以待天津諸水暢流入海河淀之水仍可以  
次歸海每屆白露以後夾沙擁泥迅駛而行運河  
既無淤淺村莊亦免冲決則此七十餘里無隄之  
西岸卽運河之天然滾水大壩也余就此議覆兩  
臺已檄下屬縣遵照矣竊嘗論之治運河之道有  
無隄之患有有隄之患蓋淹沒爲災非隄何以障  
之淤阻可虞非隄何以束之獨流迤南是也無隄  
則散緩無力而無潰決之憂無隄則盈科後進而

得瀦蓄之利獨流迤北之西岸是也況天津地濱  
大海形同釜底水至獨流勢同建瓴毋論其非隄  
所能堵卽幸而能堵而尾閘有阻上流奔赴天津  
一帶適當其冲城郭人民所關甚鉅故前人獨於  
此處不設隄防非偶忘之乃所以慎之也非竟棄  
之乃所以取之也

### 陸公隄

天津縣志在西門外臧經閣前萬厯三十二年教



場口岸冲决浸及城磚二十四層清軍同知陸敏  
提申請題留兩營班軍修護城隄繞城西南二面  
以絕水患至今名陸公隄

西沽疊道在天津縣北自西沽北迤至桃花口界於  
運河西沽之間卽天津縣驛路也其長二十五里乾  
隆十三年二十年二十五年屢修

以上諸隄屬運河 乾隆十三年直隸總督那蘇  
圖奏畧查天津西沽起至桃花口止爲自津通京

大道向無隄埵伏秋盛漲河淀相連行旅阻滯自  
乾隆九年十月前督臣於水利案內先後建築疊  
道十餘里往來便利今秋汎水盛漲舊隄口多冲  
泐殘缺查桃花寺迤北至桃花口三百餘丈從前  
未經接築以致汎水從此灌入捍禦隄防均有未  
周應於桃花寺迤北接至桃花口有隄之處加築  
疊道三百丈并將自西沽至桃花寺舊築疊道窄  
狹者幫寬卑矮者加高坍塌殘缺之處水冲浪窩

盡爲填補并延河韓家樹起至桃花寺村北止關  
欄橫隄三丈一律補築於汎水捍禦有資而通京  
大道行旅不致阻滯 三十八年直隸總督方觀  
承奏畧天津北門外丁直沽至桃花口一帶疊道  
界於於河淀之間一線縣長爲南北往來大道最  
關緊要自上年淀運交溢道上行旅阻隔水退之  
後隨將汕刷殘缺處所修理填墊而河凍之後百  
貨重載皆由此行走形勢本旣卑薄輪蹄日加踐

踏一經河淀水長難資界阻捍禦亟宜間段加培  
計應修工段共二千二百丈 二十五年直隸總  
督方觀承奏畧天津西沽北至桃花口一帶疊道  
自乾隆二十年奏請加培以來迄今已逾四載上  
年秋間河淀交漲經臣親赴查勘該處西阻大淀  
東臨運河水小之年疊道之下一片汪洋一遇泛  
漲疊道皆水蓋北距淀水出路尚遠西風浪起倍  
受冲嚙若非使河淀通流以洩其勢仍無救於激

刷之患今擬於桃花口墩撥以北地勢窪處建立  
五空木橋一座使淀漲可洩之運運漲亦可以旁  
洩於淀庶交輪勢緩而疊道之土工可保橋工一  
項商民情願公捐以利行旅疊道工程自西沽以  
上之祇樹園起至桃花口止一律加高培厚計長  
三千一百五十三丈二尺又疊道中間原有舊紅  
橋小紅橋二座應添厓翅并管頭木埽祀天津道  
庫貯有積年河淤地租銀應於此項內動撥

海河疊道在天津縣東南沿海河之西南起自天津縣城東南隅之馬家口迄於新城高八尺至一丈頂寬一丈二尺至二丈底寬三丈至五六丈長七十里  
有奇乾隆二十八年水利案內重修

〔乾隆三十八年奏摺〕海河疊道閘座宜修葺以爲津南保障也海河長一百餘里疊道綿長七十餘里上年水漲平隄兼以北風排蕩遂至沖漫數處本年水落後於工賑案內普加修築高四五六

皮底寬四丈至四丈五尺不等今詳加相度內有  
三十八里零應再加高三尺海河近處再培厚一  
三尺不等加夯堅築估需銀五千四百九十七兩  
零惟是城南被水窪黃花泊受靜海青縣一帶瀝  
水并秋漠港上承靜海中堂窪逆河之水皆停積  
天津城內從前於海河水落開隄宜放乾隆四年  
乃在疊道之鹽水沽白塘口一處建閘放水隨時  
啓閉又因雨少之年城南一帶水皆鹹苦須引入

海河之水以資澆灌汲引九年水利案復於於城  
內賀家口何家圈添建磚閘而於佟家樓八里臺  
凌家口大任莊三合河等處開挑引河曲折紆回  
使收灌溉之利如遇大水之年則又藉各引河導  
水出閘以資宣洩各閘均應修葺并將磚閘改爲  
石閘其灰堆舊有一閘已廢今應添建於雙港地  
方以順引河之勢再查閘門寬一丈二尺引水灌  
溉固可足用藉消積水尚覺未暢應將五閘均一



律添建爲雙門石閘則一日可消兩日之水其閘  
內引河均應展寬濬深護城河濠內淤塞並爲挑  
治俾由大閘口疏消潦穢以免浸損城根計改建  
雙門石閘五座共估需銀一萬七千一百三十四  
兩零又挑濬六閘引河城濠共估需銀一萬四千  
八百四十八兩零

賈家口在天津縣東北四里許海河東岸

唐家口在賈家口東南在賀家口東北

馬家口在天津縣東南里許洩城內之水入於海河  
一一統志馬家口洩南淀之水

謹案天津城內地勢最窪統名南窪卽一統志所  
謂南淀也

寇家口在馬家口東二里許亦洩城南之水入於海  
河

賀家口在天津縣東南十二里有引河

馮家口在賀家口東南二里

白塘口在天津縣東南四十里有引河

大閘在天津縣城東南隅引海河之潮水入於城濠  
建置之年無考

謹案石閘引海河潮水周城四面南城水門上有  
引汲受福四字順治十年大雨閉塞閘口水涸潮  
平內外渠溝皆不能通康熙十三年照舊開濬雍正  
十三年紳士呈請知府李梅賓募修至乾隆元  
年工竣三年再修改石爲磚二十九年又修 侍

郎錢陳羣重修天津護城河閘碑記畧閘之設也  
非觀美也蓋有六利焉畿南之水泛溢無時有閘  
則按期啓閉其利一也城內溝瀆之水壅滯無歸  
有閘則積水可疏積穢可洩其利二也斥鹵之地  
素無甘井居民遠汲有閘則清流日注饔飧是資  
其利三也城南鹺地必藉清水灌溉有閘則溝洫  
宣通磽确之地皆成肥壤其利四也居民夜作例  
不禁火有閘則一旦失火卽可挽水以撲滅其利

五也有大河繞其東北有小河環其西南脉絡周  
通土風清美望使形勢曰尊都邑日盛其利六也  
小閘二俱在大閘西北天津縣南城根下一在東南  
面水洞一在西南面水洞外引海河潮水入濠則啓  
板引由水洞入城以滌穢惡水大之年則下板以防  
外水之入對大閘言故曰小閘乾隆二十九年重修  
謹案大閘當是明永樂間建天津衛城時舊制

本朝康熙十三年總兵趙良棟重修又於郡城南面東

西各建水洞二外鑿小溝引流入城中東南西面  
兩大水窪通入地溝以盪滌穢惡復於洞外修建  
二小閘司啓閉以防外水之入其制甚美年久湮  
廢乾隆二十九年重修

賀家口閘在天津縣東南十里去大閘十里賀家口  
閘又東南十里爲何家園閘又東南十二里爲雙港  
閘又東南二十里爲白塘口閘四閘制同皆跨海河  
疊道上乾隆二十八年重築奏略見前

以上諸隄屬海河

太行隄一名長隄一名黃河隄在大名府長垣東明  
二縣界

長垣縣志長隄自縣西北三十五里新豐起迤東

南八里出常村十五里至速報司

趙家店有  
速報司

二十

里至周村口十二里至板邱集牛家口北有三尖

口十里至油房集三里至蘭通集十五里至朱家

口七里至閻家潭三里至大岡三里至三春集

明

之三春  
柳隄 五里至大營十二里至杜勝集經東明縣

地卽舊管河通判駐劄處十五里至紙坊仍係長  
垣縣地延袤一百三十里隄高一丈五尺寬二丈

東明縣志長隄在縣南六十里杜勝集南關外

西入新垣新豐長村等隄東入曹州界綿亘二百

餘里  
此合長東二邑而言屬本縣者二十三里自大營起迤

東三里爲靳家口二里至魏家口三里至玉皇廟  
三里至劉皮口一里至勝家口一里至杜勝集三



里至何二莊四里至柳林六里至凡埠六里至胡家厥四里至紙房屬長垣隄高一丈五尺寬二丈謹案太行隄西接河南滑縣界東入山東曹州界中厯長垣東明二縣境其南爲陶背河蓋卽古黃河所行之道也明宏治七年劉大夏築南河全考劉大夏治河起河南胙城經滑長垣東明曹單諸縣下盡徐州長隄亘三百六十里今太行隄也漕運復通厯三時用軍民夫十二萬餘人鐵一萬九

千仞有奇竹木薪芻不可勝計方輿紀要杜勝隄  
在東明縣南六十里南濱大河志云長隄屬縣境  
者三十三里而長垣爲要口嘉靖十三年因舊址  
增築有杜聖砦亦曰杜勝集長垣縣志隄肇自前  
代其壩堰鋪舍俱宏治六年知縣杜啟增修萬厯  
十五年河由荆隆口決城南廣糧隄轉東將害張  
秋運河命科臣常居敬齎帑金通補舊隄高一丈  
五尺寬二丈復置十九鋪僉夫一百九十名防守

又廣糧集卽大杜集在城南東明縣志長隄蜿蜒  
數十里爲洪濤巨障置七舖僉夫七十名防守詔  
以府通判縣丞董其事萬厯十八年知縣區大淪  
內外植柳榆十四萬株二十九年三十年河連決  
恃此無恐河防一覽長垣東明二縣舊有長隄一  
道萬厯十五年河自荆隆口決入挾陶背河冲決  
本隄之大杜口考廣糧隄亦名大杜口隄與新豐  
常村杜勝大岡等隄皆長隄之隨地易名者也

朱家口涵洞在長垣縣東南太行隄根以宣洩縣東南板邱蘭通二集各村莊之水乾隆十一年建

〔謹案〕縣接壤河南蘭陽儀封境內各建涵洞一座  
豫直二省議定五開九開蘭洞西北又有蕭家潭  
隄口二十餘丈偶不堵寒夏秋水漲樓家寨于家  
樓劉家潭後劉家堂黃家集等六村莊均爲澤國  
惟蘭洞迤東順隄根至儀洞前會儀洞之水北注  
陶背河間段窪地微有河形議將蕭家潭隄口堵

築建涵洞一座亦照五閉九開之法於流水窪處  
展寬挑深足資宣洩

黃陵岡隄卽太行隄之在東明縣者

明實錄孝宗宏治七年十二月以黃陵岡工程未  
可卽已命工部議集八年二月都御史劉大夏等  
言安平鎮決口已塞河下流北入東昌臨清至天  
津入海運道已通然必築黃陵岡河口上流南下  
餘淮庶可爲運道久安之計乃興工築塞黃陵岡

及荊隆口七處旬有五日而完 方輿紀要黃陵  
岡在東明縣東南八十里宏治五年大河決溢處  
也與河南儀封縣接界

### 金隄

東明縣志在縣東南七十里西接黃陵岡東接小  
張家灣黃河分派決溢之地宏治間知府李儼遣  
吏目秦茂修築凡二百餘里 方輿紀要金隄頭  
在開州東南一百五十里

謹案今開州城西有金隄起路溝由觀音堂入清  
豐縣爲宋家隄口北至江濱廟元帝廟啞吧口下  
入南樂閭王廟杏園村丁塋固古吉固岳儒固長  
一百餘里自啞吧口以下皆以隔朱龍馬頰二河  
近馬頰入朱龍隄亦殘缺

團頭隄

東明縣志在縣南七十里

防黃月堤在長垣縣東南八十里形如半月西起縣

境之婁家寨東接儀封縣之紅船灣北與河南蘭陽縣之大黃隄相連南屬於儀封縣之臨黃大隄

行水金鑑直隸長垣縣隄工康熙三十一年河南蘭陽儀封會同長垣三縣共築月隄一道坐落城東南黃家集四自蘭陽交界起至儀封縣界止長五百五十一丈康熙三十六年築月隄一道西自黃家集迤東大隄起東至儀封縣紅船灣西南旺兆玉地止長五百六十丈



謹案乾隆二十六年黃水漫決於舊隄之外新築  
月隄長垣四段一紙坊舊高八尺新築月隄長九  
十丈加高四尺頂寬一丈六尺底寬三丈小岸隄  
高一丈一尺新築月隄長一百二十丈加高二丈  
頂寬八尺底寬二丈王夾隄舊高一丈一尺新築  
月隄長一百五十四丈加高二尺頂寬一丈八尺  
底寬二丈朱家口隄舊高一丈一尺新築月隄長  
二百七丈加高二尺頂寬一丈八尺底寬二丈

新隄起自長垣縣西南二十五里在太行老隄之外  
東西首尾相傳屬以杜王家隄甄家隄二口之衝也  
長二千七百九十九丈高八尺頂寬一丈六尺底寬  
二丈乾隆十六年直隸總督方觀承奉

命查奏十七年築

奏畧查直隸長垣東明二縣之太行古隄又作防  
黃堤外緣此處地勢南高北下豫省陽武滑封邱  
縣等處瀝水羣北注於長垣境內全賴此隄捍禦

康熙六年黃水冲開五家隄口乾隆四年漚水冲  
開甌家隄口兩次皆因口門刷深不能就隄補築  
俱於隄內外圈築月隄在案上年七月黃水又將  
月隄冲開三口今量所冲口門深二丈六尺至三  
丈餘不等寬數十丈至百餘丈不等與從前舊漫  
口相連一片盡成深潭不能施工堵築若仍依傍  
老隄在外圈築月隄而高村孫東紙坊三處河溝  
俱被黃水冲刷成河月隄築處正當河溝深處計

其工料殊多糜費設遇上游瀝水稍大瀕注隄根  
仍不免冲齧之患查土家堤以東原有舊引河一  
道引紙方可一帶渠溝之水東趨沙河出康家道  
口由東明縣洪河入於山東運河故近東堤下均  
得無恙其王家隄以西瀝水滙至無處疏消是以  
屢被冲隄爲患今若祇議冲隄而不計瀝水去路  
雖多費帑金倍加高厚亦仍不無後患今議自隄  
西村南起開挑引河下接紙坊村東之舊引河其

長二千五百七十丈寬八尺至三丈不等惟接孫  
東河之新河上口應挑寬二十丈均深六尺將高  
村孫東紙坊三河之水以次導入舊引河復將舊  
引河挑展寬深使得容納東注卽將挑河所起之  
土堆於北岸十丈之外自是西村起至王家堤上  
接老隄與河等祇須加用夯礮毋庸另費土方河  
成隄就形勢亦屬順直隄外有河隄身不受衝觸  
卽無須過爲高厚今以底寬七丈頂寬三丈高八

尺爲率已足資捍衛工費並可節省又王家隄迤  
東隄身並防黃月隄所有浪窩鼠洞雨水淋損之  
處均應粘補如此辦理則河之外有河以疏瀝水  
河之內復有隄以防漫溢表裏相資實有事半功  
倍之益且原在隄外之隄西村營裡村高村司家  
河牛家河孫東後寨孫東集孔家莊八村莊共二  
千餘皆得新隄以爲外障瀝水無患自此經理之  
後如遇有淤淺淋損仍照舊例勸諭鄉民隨時挑

修以期永久焉

沈家橋涵洞在寧津縣東北與南皮縣接界有六空  
二縣各分管三空以防老黃河之水

海子王家莊涵洞在慶雲縣東北洩瀝水於老黃河  
并防倒漾乾隆十一年建至二十六年大水冲壞

以上諸隄屬老黃河

大車口新埧在東明長垣二縣界長七十丈高八尺  
頂寬一丈底寬二丈

張家場後舊埧在長垣縣西南長六十丈高六尺頂寬一丈底寬二丈

以上二埧屬沙河隄

護城隄

二統志在大明縣城外環繞縣治明正德間漳衛二河決溢入境知縣吳拯增築植柳千株亦名吳公隄 知縣顧咸泰禁穿隄議畧衛河入大名界居民左右據之小有平添卽遭淹沒自張二莊至



曹家道口幾百里居民數十村皆經其害向衛與漳合流計漳北徙後河身自濬深幾二丈寬倍是隆慶三年衛挾水衝埧邑城萬厯二十年決高村三十五年決遂家隄三十八年決范勝隄龍王廟水皆匯注城隄閘三四月不涸縣地窪下如堊釜民而沿河諸隄居民或穿以灌園此最當禁治者新隄初築允可捍禦但河南居民被水往往盜決北溢今沿河修隄而界在南樂魏縣者民亦樂於

從事南北俱築大隄則河勢可束此百年之利也  
紅船灣隄

〔大名縣志〕在艾家口東北一里許知縣李瓚築正  
德末漳衛河決漸爲平地嘉靖七年大水薄府城  
橋梁城垣陷者十之二郡守樂護自詣防堵十年  
郡守胡效才令濬縣知縣邢然內黃縣知縣石遷  
高附二縣並屬大名府集夫役距舊址三十步築大隄二十  
七年郡守顧玉柱相前隄三十步仍築隄一道

張家隄

方輿紀要在大名縣西北

縣志作東南

三里

謹案是隄方隅里數與縣志老隄頭同卽所稱諸公隄者也豈因後縣令諸偁增築而改名歟

遼家隄

一統志在大名縣東三里許起自南樂縣界經縣境抵衛河濱蓋古隄也

李茂隄

方輿紀要在大名縣西南縣志作東北八里

范勝隄

方輿紀要在大名縣東北十五里縣志作十里

牧隄

大名縣志在縣東十八里

謹案方輿紀要云俱嘉靖三十六年漳河南決因

築諸隄捍禦然隄本防漳河南潰亦防衛河西溢

故頻築之並詳漳水篇

黃金隄

方輿紀要在元城縣東北三十里縣志作十里商民湊

集處

謹案今但有黃金隄堡無所謂隄也

康家隄

元城縣志董家庄下有康家隄口今亦無考潦水

積其中卽水退不可耕種

齊家堰

方輿紀要在南皮縣西北二十里卽衛河東岸河流至此湍悍迅急萬厯十四年修築自南皮縣之北下口至馮家口共計一千七百餘丈

謹案東光縣志戚家堰卽齊家堰齊戚二字傳刻有訛未知孰是舊葺此堰萬厯十一年知縣徐殷修築一統志萬厯四十一年築

### 東堂堰

以上諸古隄屬衛河 方輿紀要在靜海縣東北

宋景德初知雄縣何承矩請命滄州乾寧軍謹視  
斗門引潮水入御河東堂堰以益塘水今堰廢

### 護城隄

二統志在清河縣東運河西岸長四十里明都  
御史賈待問修護城隄記畧清河舊有護城隄長  
四十里世宗時水決白廟口運河舟楫通城門外  
穆宗時水溢城不下者三板焉二哥營舖內有邵  
家疇圈尤其要者其地故隄頻年屢決邑侯王公

要之計於故隄外益以月隄長二百八十丈底濶  
三丈頂寬一丈五尺高一丈二尺許分工十工各  
一十八丈夫一百名共夫一千名原設淺夫四十  
八名今各僱餘夫一名共九十六名工食皆已有  
者此外止派夫九百四名每名日給工食銀三分  
於闔縣行著地畝均攤每地三頃六十八畝二分  
一釐一毫僉夫一名給以花名地數印票計日收  
討不得預支亦不得私攤幫貼以滋他弊以是隄



堅而固可垂久遠工始於萬曆十七年十一月成  
於十八年二月公諱守禮字秉節西涼之永昌人  
故城縣隄

方輿紀要在故城縣西起自武城縣北二十里之  
甲馬營驛於縣東十八里四柳樹鎮皆築隄以防  
衛河泛溢高數尺以上

古隄

明實錄太宗永樂十三年九月修河間府興濟縣

水決隄岸英宗正統四年十月河間府請修青縣  
衛河隄岸從之

神隄

畿輔通志王彬永樂中知青縣以河決禾稼盡沒  
痛不能救投水而死官民憐之遂於隄上置祠祀  
焉名曰神隄

謹案北河續記祠在興濟縣運河隄上有柳數百  
株然則彬乃知興濟縣非青縣興濟今并歸青縣

也

盤古隄

謹案明實錄穆宗隆慶三年青縣冲决盤古口卽盤古隄也

永濟隄永濟北隄

謹案唐書地理志滄州清池有永濟隄二又南三十里有永濟北隄今皆不可考

郎兒口隄在滄州南四十里其東爲邱淀俗呼蔡家

窪

北河雜記郎兒口在南皮縣縣有大隄自南亘北  
五十里高丈餘東爲滄州境西接南皮境衛河水  
漲西患特甚元泰定以來屯軍土民爭訟不決乃  
公勘開掘截隄中斷二十餘里水所由流名郎兒  
口

老鵝隄

以上古運河隄 方輿紀要在靜海東南舊築隄

於此防衛河泛決以形似名汴將葛從周敗劉仁恭處也

謹案資治通鑑唐明宗光化三年幽州帥劉仁恭以滄州爲汴將葛從周所圍將兵赴救營於乾寧軍從周留別將守滄州砦自將精兵逆戰於老鵝隄大破之則此隄亦唐時遺迹也

李彪淀東隄

唐書地理志清池西五十里有李彪淀東隄永徽

三年案

謹案此爲老黃河古隄

漢石隄

漢書溝洫志河從河內北抵黎陽爲石隄激使東

抵東郡平岡

謹案平岡坡在東明縣西南

謹案或以激字連石隄讀謂之石隄激水經注河

水又東逕八激隄北漢安帝永初七年令謁者于

岑于石門東積石八所皆如小山以埤鴻波謂之

入激隄此卽激之制也漢書注師古亦曰激者聚石於隄旁衝要之處所以激去其水也然謂之激隄則文從字順謂之石隄激則太生滯矣詳觀漢志語及師古注正謂激之使東耳激字連下其義爲長

元金隄

一統志金隄在東明縣東南七十里西接黃陵岡東抵小張家灣元賈魯創築明宏治間修凡二百

餘里

謹案元史本紀順帝至正四年夏五月河決白茅隄六月又北決金隄本昔時舊隄魯乃修築其決口耳明宏治間劉大夏又因之築黃陵岡也夾隄

東明縣志在長隄北大隄南

謹案長隄卽太行隄卽衛河隄

海頭集隄

東明縣志在縣東北二十里嘉靖四十二年修



豕韋北隄

冊府元龜晉高祖天福七年三月宋州節度使安

彥威奏到滑州修河隄時以瓠子河漲溢詔彥威

督諸道運民自豕韋之北築堰數十里給私財以

犒民民無散者竟止其害

通鑑方輿紀要豕韋城廢縣在滑縣東南五十

里相傳豕韋國今長垣開州境也

鯀隄在開州境西接河南滑縣界東入濮州界橫亘於州治之南其長九十餘里斷續若川阜然相傳鯀

治水所築也

方輿紀要縣隄在開州西十里自河南滑縣而東入於州境又在清河縣西二十里自順德府廣宗縣逶迤入亦在故城縣西南三十里相傳縣治水時築橫亘千里

謹案禹貢錐指賈讓云決黎陽遮害亭放河使北入海山薄大山東薄金隄則在今濬縣界其言曰黎陽南大金堤從河西北北行至西山南頭迺折

東與東山相屬此隄蓋讓所欲決以放河北入海者李垂導河書言曹公所開運渠東北有伯禹古隄蓋縣所作也而禹修之世遂目之曰禹隄讓所謂東薄金隄卽此也縣隄起自河南黎陽界中包大名之開州下入廣平府之清河河間之故城所謂橫亘千里者也又縣隄亦謂之堯隄寰宇記德清軍本舊澶州堯隄在城東南五十里金隄在城東南五里又金隄在元城縣北十里上接滹沱下

迤入南樂縣界

瓠子口

水經河水東北流而逕濮陽縣北爲濮陽津酈註  
故城在與衛縣分水城北十里有瓠河口有金隄

宣防堰

謹案濮陽故城在今  
開州西南二十里

宣防堰

方輿紀要瓠子故渠在州西南二十五里漢元封  
元年封禪還自臨決河塞之築宮其上名曰宣防

亦謂之瓠子堰又謂宣防堰

宋隄自滑縣經州東七十里之甄城鄉分爲五道入山東范縣之五隄頭村而止又環城四面有小隄所謂護城隄也皆宋時置

〔大名府志〕宋隄在開州南里許宋熙寧間河決明道先生判州時所築

〔謹案〕宋史陳執中傳拜集慶軍節度使同平章事知大名府河決商胡趨大名程琳欲爲隄不果成

而去執中乘年豐調丁夫增築百里以漳橫潰水  
紀執中拜同平章事在慶厯初已云河決商胡然  
則商胡欲決之勢已非一日河方橫潰乃築隄以  
激其怒此所以有八年之大決也

宋遙隄

宋史河渠志太祖乾德二年詔民治遙隄以禦冲  
注之患

謹案河渠志神宗熙寧二年司馬光張輦李立之

宋昌言張問李大防程昉集議言滄德界有古遙  
隄當加葺治則自澶滑下迄於海口皆有遙隄矣  
郭家口隄

開州志明萬厯七年知縣邱東昌修築長二百五  
十步濶三十步高五尺

護城隄

二統志開州北至大名南抵長垣其間長短無名  
之隄不可勝計城北古隄自滑縣入州境至清豐

縣西五里城南

小張口孫村口清豐口隄

方輿紀要孫村在開州東北三十里宋時大河決  
啗處也 二統志孫固城在清豐縣東南十五里  
周五里宋時大河經流處卽所謂孫村也

謹案宋神宗元豐八年河決大名之張口哲宗元  
祐元年張問請開直河引水入孫村口八年吳安  
乞開清豐口以東雞爪河



小尖口隄

〔一統志〕在長垣縣東三十五里元時賈魯治河築隄始此 〔方輿紀要〕明宏治五年大河北漲決牛家口諸處北至三尖口東至平岡陂皆被其患明年因修築縣境諸隄

朱家河口隄

明實錄武宗正德五年工部右侍郎李鏐上修河事宜謂黃陵岡上下及杜勝集纓隄被衝嚙水淹

大隄欲起自大名府地名三春柳至沛縣飛雲橋  
止築隄共長三百十里以防河北徙可保運道無  
虞從之十六年夏五月都御史龔洪請築備隄自  
長垣至楊家口從之 方輿紀要在長垣東七十  
里正統十四年黃河決溢因築隄塞之宏治五年  
復修築其南卽三春柳及大岡諸隄也

常村隄新豐隄

方輿紀要常村隄在長垣縣西南三十五里又西

八里曰新豐隄接河南封邱縣界志云宏治六年  
郡守李瓚築朱家口十隄以防水患

謹案大名府長垣境曰朱家河隄三春柳隄大岡

隄閻家臺隄

並在宜豐里

油房村隄

在安亭里

牛家口隄

在黃

岡周村口隄

在岡里

速報司隄

在亂岡里

常村隄與新豐

隄相屬新豐隄縣西南三十里

杜勝集長隄

大名府志南距東明縣六十里西入長垣東抵曹

州綿二百餘里宏治間知府李瓚築嘉靖十三年  
通判陳萬言修築長隄屬東明縣者三十三里皆  
近年所築知縣區大倫督令隄夫歲增之內外植  
柳一十四萬餘株長隄孔固河不爲害

閻家潭隄

方輿紀要在長垣縣東南六十七里正統十四年  
河水決入縣境成此潭宏治五年築隄環之

復關隄

太平寰宇記澶州臨河縣復關隄在縣南三百步  
衛風乘彼坳垣以望復關卽此也

謹案臨河故城在今開州西南六十里詩地理考  
引寰宇記澶州臨河縣復關城南黃河北岸也復  
關隄在南三百步自黎陽下入清豐縣界今本寰  
宇記無復關城但有復關隄又無自黎陽入清豐  
句則抄本相傳訛落多矣又大名府志復關隄滑  
縣開州亦有之蓋與黎陽清豐相連屬耳

澶州十二埽

宋史河渠志澶州有濮陽大韓大吳小吳商胡王  
楚橫隴曹村依仁北岡孫陳固明公王八凡十三  
埽元豐元年四月決口塞詔改曹村埽曰靈平

慙山堰

大名縣志在城北十五里漢王延世運土塞河三  
十六日河隄成頗慙人心故名慙山今邱阜隆然  
有祠三間卉木周鬱過者猶興思焉

謹案元和志云古堰今名愜山在貴鄉縣西九里  
王延世塞河愜當人心故謂之愜山縣志本此今  
愜山堰與沙邱宣房俱廢不可考

新隄

宋史河渠志神宗元豐元年四月丙寅決口塞

曹村

口也五月甲戌新隄成閉口斷流河復歸北

六塔河隄

方輿紀要宋隄在南樂縣東二十里南接清豐界

至和二年所築〔南樂縣志〕宋隄在縣東十八里  
黃河故道西岸自清豐縣六塔河來

東隄

宋史康德興傳爲大名府鈐轄提舉金隄至和中  
河決小吳大破東隄頓邱口

馬陵道口

方輿紀要在大名府東南十里左傳成公七年公  
會諸侯救鄭同盟於馬陵戰國魏將龐涓暮至馬



陵孫贍使萬弩夾道而伏涓至殺之卽此宋時河北漕運往往於黎陽或馬陵道口下卸裝蓋津要所關矣

金隄

二統志在元城縣舊府城北十九里南自滑縣接縣界繞古黃河厯開州清豐南樂大名元城東北接館陶界卽漢時古隄也

謹案史記正義括地志云金隄一名千里隄在白

馬縣東五里顏師古漢書注金隄漢河隄名也水經注金隄高一丈自淇口東地稍下隄稍高至遮害亭高五丈遮害亭在濬縣西南五十里則由濬縣而下隄之高下可知也方輿紀要清豐縣南四十五里有金隄南接開州北接南樂縣境漢成帝時王延世運土塞河增築之置驛於其上因以金隄爲名宋慶厯五年命內臣王克恭塞滑縣橫隄決河克恭請先治金隄禦下流詔止勿塞卽此處

也寰宇記金隄在頓邱縣北十里清豐縣南四十里德清軍城東南五里下入南樂縣界邑志云德清廢城南五里有金隄遺址又云金隄在縣西立里清豐縣志金隄上接開州下入南樂上有金隄驛秦女樓金隄關南樂縣志在河西十里上至滎陽下達元城至千乘太名縣志金隄勢如岡嶺自東南入縣境凡大名元城南樂清豐開州東明皆有之考今此諸縣惟開州清豐南樂三州縣尚有

遺跡餘無復故址矣又禹貢錐指云漠河隄率謂之金隄文帝時河決酸棗東潰金隄在今延津縣界成帝時河水盛溢泛浸瓠子金隄在今開州界酈道元云河水舊於白馬縣南決通濟渠黃溝金隄旣建故渠水斷在今滑縣界此昔西漢時之金隄也

寸金隄

元城縣志在縣北宋韓魏公所築大水至衝突不

沒者寸許

河門隄

方輿紀要河門在舊魏州城外唐書魏州有河門  
舊隄魏帥樂彥禎嘗因以築羅城一一統志在元  
城縣東舊府城外

橫隄

宋史河渠志元豐七年七月河溢元城埽決橫隄  
哲宗元祐二年十二月於孫村濬橫河舊隄

沙隄

朱史河渠志元祐五年八月李偉言大河自五月

後日益暴漲始由北京南沙隄謹案此沙河之隄也第七鋪

決口水出於第三第四鋪并清豐口一并東流

李固隄

奎史河渠志世宗大定八年六月河決李固渡水

潰曹州城都水監梁肅言不若於李固南築隄以

防決溢從之

謹案李固渡在膠縣縣境

沙邱堰

永經注河之故瀆又東北經元城縣故城西而至沙邱堰大名府志在舊大名縣西門外距縣六里今隸元城

謹案寰宇記引水經注曰沙邱堰在貴鄉元和志後魏孝文分元城置貴鄉禹貢錐指水經以王莽河禹河故以沙邱堰爲禹迹推其意似謂古河本東行禹作堰郭之使北禹河自此播焉不遵其

道是爲泮水唐人云河自貴鄉縣分爲九道宗此  
說也宋史河渠志太宗至道元年參知政事張洎  
曰河自貴鄉分爲九道下至滄州合爲一河逆河  
者謂與河往復相承受也齊桓公塞以廣田居惟  
一河存焉今其東界王莽河云云亦承水經之說  
然禹水不經元城此堰必非禹所築

鳴犢口

方輿紀要在清河縣東南漢元帝永光五年河決



清河靈鳴犢口而屯氏河絕

玉環隄

一統志在景州城外舊志州昔當大河之衝地平土疏往往決溢爲患因於城外三里周圍築隄障

水亦名護城岡

謹案方輿紀要謂之障水隄

東溪金隄

一統志在故城縣西南自大名縣界逶迤而東北

入縣境卽後漢王景所築橫亘千里

生隄宋都水監丞李立之創築在冀州深州河間縣界

隋隄

方輿紀要在寧津縣北三十五里相傳煬帝曾駐蹕於此令軍士築隄以防河令峴如垣牆謂之耿家圈

臥龍岡老黃河南岸在寧津縣東南慶雲縣亦有臥

龍岡在縣東南鬲津河中鬲津河卽老黃河亦南岸也

古隄

北河續記在吳橋縣城南古黃河隄也西南接德州界東北入寧津縣界

沙浪口

吳橋縣志在城西二里許是大河分流處經吳橋

馬頭菴于家集北入東光界舊志謂柵關口

雙陵口

方輿紀要宋熙寧七年深州靜安令任迪議引永

靜軍雙陵口河溉南北田三萬七千餘頃溢決淤

水以爲溉田之利也

謹案宋史地理志永靜軍唐景州景德元年改軍名領縣

三東光將陵阜城

古黃河岸

南皮縣志岸高丈餘濶三里許境內迴環三十里

長城嶺在慶雲縣南三十里沿馬頰河而東在馬頰

河南五里許疑是古馬頰河隄也

方輿紀要舊志以爲齊之長城 慶雲縣志在縣南四十里勢如岡陵或謂禹所築九河隄也

八會口

方輿紀要在慶雲縣北齊乘云在縣北水流交會處也自滄州大連淀南至縣境百餘里間有大河沙河皆瀕古隄會流於此合於陷河

謹案此口元時所有今不知其處

掛甲口

方輿紀要在慶雲縣南二十里相傳韓信下齊道  
出於此今亦不可考

北流河十二埽冀州棗強埽瀛州樂壽埽冀州南宮  
上下埽宗城埽平鄉埽鉅鹿埽深州武強埽滄州上  
下埽清地埽永靜軍阜城下埽

謹案十二埽見宋史河渠志

唐明溝河隄徒駭河西隄浮河隄陽通河隄在滄州

唐書地理志滄州清池西四十五里有明溝河隄  
及徒駭河隄皆永徽三年築南十五里有浮河隄  
陽通河隄亦是年築

北淖口在滄州今無考

以上諸古隄屬古黃河 遼史本記太祖三年三  
月滄州節度使劉守仁爲弟守光所攻遣人來乞  
兵討之命皇帝舍利素夷离革蕭敬魯以兵會守  
文於北淖進至橫海軍近淀一鼓破之因名北淖

口爲會盟口

漆河隄

東明縣志在縣西十里縣東十里裕州屯前有漆園城北門外有漆水縣西居民築隄以障之故名俗訛傳爲七隄附會其說者謂長七里名七隄非謹案方輿紀要東明縣有七里隄在縣西四十里長七里卽此隄也四字疑衍

護城隄



東明縣志周圍八里餘闊二丈高丈餘明萬曆十六年知縣朱誥重修

本朝順治七年河決荆隆口水衝城圯護城隄悉頽漆水與河合流不通往來康熙十年知縣楊日升重築中洲修城隄植柳乾隆二十七年知縣永謙重修明邑人穆文熙重修護城隄記畧東明去金隄鉅野伊邇萬厯丁亥秋河決於荆隆下注長垣大杜口經毛大澶直薄城下四門皆對土障之水

退後具牒當路請諸剏發內帑修築護城隄於故  
土無損而益增其新者濶可二丈高可丈餘蓋量  
水之所及與夫水力之所橫衝者足以勝之而已  
又有水自西北經城下湍悍足敗隄乃於隄外疏  
一渠以引其水橋其北若玉帶然遂名之工始於  
二月竣於三月蓋僅兩月云 大同府知府姚立  
德東明縣修築護城隄記畧東明舊有護城隄周  
八里以障漆河之水漆河者古北濟分渠爲北濮

之水也亦卽大河故瀆矣

國朝康熙六十年河決釘船幫淹佛堂村洪門村凡二十餘里皆爲巨浸乾隆辛未河決陽武關入太行老隄辛巳又決東明首被其冲護城隄殘毀無遺壬午春蒙古永公相舊址而規度之牒申於臺府報可起北關抵西門橋長二百六十五丈興役於五月二十七日訖工於八月二日又以餘力重建玉帶橋工予於是夏調守大名適視厥成

賈魯河隄卽金堤

普河隄在東明縣北門外明萬厯中知縣區大倫築  
天名府志東明縣北門外舊有普河一道當黑羊  
山下流歲久衝淤漸成巨浸知縣區大倫增高其  
隄以鄣之仍增橋以殺水勢

孟華隄

東明縣志在縣南二十五里柳園店南一里許東  
抵山東界西入滑縣綿亘二三百里胙城有孟華

潭由滑縣南界東北注衛南陂漫衍於明邑故築隄以障之

護城隄長垣縣城外周圍一千五百一十丈雍正元年築厯久未修

小務口隄

〔長垣縣志〕古隄在縣西五里自縣西北青岡集繞城南東至曹家道口約六十里合長垣勢極蜿蜒嘉靖六年知縣王三省以水溢開小務口導由城

北東行

謹案此爲陳棗河所經立隄以障之河始繞城南  
自王令導出城北東入東明縣洪河而隄亦廢

韓村隄

二統志在開州南七十里

清河頭隄

方輿紀要開州東二十里有清河頭隄卽大河舊  
流也其北龍泉岡西有杏花岡各高二丈許下臨

河卽舊時隄岸矣

謹案韓村隄障柳清河上流此隄障其下流

岳儒固隄

大名府志硝河入岳儒固旁甃以隄

梅家口隄

大名府志硝河自梅家口注衛

啞叭口隄在清豐縣元帝廟北

謹案南樂縣志自清豐於元帝廟北開金隄使馬

頰之水全注於朱龍河兩河之水遂四出而不可  
遏康熙三十八年知縣鄒如魯築決口立石爲記  
卽此隄也是年大水巡撫李光地於次年題請開  
隄奉

旨允行四年五年復塞雍正五年七年復決乾隆五年決開  
五口今兩河又復開通矣 大名府知府姚立德  
勘隄碑畧勘得朱龍馬頰二河乃往時黃河漫決  
而成馬頰唐時所開朱龍乃宋橫隴商胡二決口



其中有古金隄漢以前有之本不爲分勢二河而設後來因馬頰河身高大朱龍庫小前任鄒令於康熙三十八年築隄堵口查清豐卷載隨於次年起自開州隄東郭堰等村挖至清豐江瀆廟前水過隄西沿隄北挖至元帝廟後於啞吧隄口挖深丈許引水東流於朱龍河鄒令之所築者盡行開放是隄口之不可堵塞明矣馬頰來路甚遠由清豐而西南爲開州又西南爲濬滑若將此隄堵塞

則必上泛濬滑開州濫水無歸以鄰爲壑濬滑近  
改屬河南事關兩省豈肯默然今日開隄放水固  
不特爲清豐隄西村落已也至於下游原有沙河  
可放入運因沙河淤阻運道糧艘不通故朔城起  
築橫隄一道雖屬紆彼下方水患實則恐妨漕運  
大計屢經咨明東撫開放事竟中格是朝邑之難  
於山水又明矣今南樂士民呈請築隄堵口獨不  
思奉

旨允開在案未便擅爲興作干咎再此二河上無來源平時亦多乾涸惟遇大水之年間有散漫事出非常清豐隄東及南樂被水亦不盡關二河合流之故逐年將朱龍河舊有河身挑濬或於低窪廢地開挖深坑使水有停蓄便不致爲大害現在清南二邑會勘明白爲此勒石永息訟端

王村口隄

南樂縣志在縣西北三十里自黎陽北逕清豐至

此皆河障也 二統志舊繁水所經延袤十里大入元城縣界

謹案此爲澶州陂水所經繁水卽澶淵也

月隄

以上諸隄分屬諸河 〔南樂縣志蓮花池在縣東十里王村莊東南宋隄之西乃古黃河所溢隄西又築月隄捍水土人呼爲夾隄〕

謹案今南樂縣東南須防村有八里月河疑卽此

河隄也

附春明夢餘錄行水有八因因河未泛而北運因河未凍而東還因風南北爲運期因河順流爲運道因河安則修隄因河危則塞決因冬春則沿隄修治因夏秋則據隄防守守有二曰官守曰民守防有四曰晝防曰夜防曰風防曰雨防防有三策夏秋不發運船渡河漕旣愆期河無全策是謂無策運艘入閘國計無虞黃水嚙隄隨決隨補是爲

中策四月方中舟悉入閘夏秋之際河復安流是  
謂上策閘有三曰石閘叢石爲之有龍門有鴈翅  
有龍骨有燕尾曰活閘漕長恐洩木板爲之視閘  
廣狹而多寡焉曰土閘閘水出口與河上下相懸  
爲壩留水以與河接河隄之法有一有截水隄有  
縷水隄水之爲性也專則急分則緩而河之爲勢  
急則通緩則闕縷水之隄因河勢而束之也治水  
者便之截水之隄遏河性而阻之也治水者忌之

築隄有三夫編設曰徭夫召募曰募夫借派曰白夫有隄無夫與無隄同有夫無舖與無夫同隄以防河夫以守隄舖以居夫參相得也行水之法治有餘先下流治不足先上流河防一覽一築順水壩俗名雞嘴又名馬頭專爲喫緊迎溜處所如本隄水刷洶湧雖有邊埽難以久恃必須將本隄首築順水壩一道長十數丈或五六丈一丈之壩可逼水遠去數丈隄根自成淤灘而下首之隄俱

固矣安埽之法上水箱邊埽宜出將裏頭埽藏入其內下水埽宜退藏入裏頭埽內庶水不得揭動埽也如築長六丈濶四丈高一丈用埽兩面箱邊每邊用埽二行中間填土每行用埽三層共計用中埽十八個每個長五丈高三丈用草四百束柳稍八十束草繩四十條排椿簽椿共用椿木四根人夫二十五工共用捲埽隄夫四百五十工運土隄夫二百工俱不議工食共用草七千二百束該



銀一十四兩四錢柳種或募一千四百四十束該  
銀一十四兩四錢草繩七百五十套該銀二十一  
兩六錢椿木七十二根該銀七兩二錢行繩十二  
條每條重四十觔共用縹四百八十觔該銀二兩  
四錢約共該銀六十兩如無柳稍以葦代之一造  
滾水壩卽減水壩也爲伏秋水發盈漕恐勢大漫  
隄設此分殺水勢相消卽歸正漕故運壩必擇要  
害舉窪去處堅實地基先下地釘椿鋸平下龍骨

木仍用石楂槌鐵槌縫方鋪底石壘雁翅宜長其  
陂跌水宜長迎水宜短俱用立石欄門椿數層宜  
地釘椿須劄鷹架用礮釘下石縫需用糯米汁和  
灰縫使水不入如石壩一座壩身連鴈翅共長三  
十丈壩深根濶一丈五尺收頂一丈二尺高一丈  
五寸迎水寬五尺跌水石濶二丈四尺四鴈翅各  
斜長二丈五尺高九尺用粗細石計長一千三百  
九十餘丈并地釘椿龍骨木鐵錠鐵銷煤炭木炭

石灰糯米糝麻及各工匠工食約共該銀一千九百餘兩其運石擡石搬料夫船并官夫廩糧工食臨時酌給一建石閘建閘節水必擇堅地開基先挖固工塘有水卽車乾方下地釘樁將樁鋸平槌縫上用龍骨木地平板鋪底用灰麻脰過方砌底石仍於迎水用立石一行欄門樁二行跌水用立石二行欄門樁八行如地平板鋪完工過半矣自金門起兩邊壘砌完方鋪海漫鴈翅金門長三丈

七尺兩邊轉角至鴈翅各長五丈共用石三千一百丈間底海漫攔水跌水共用石九百丈二項共用石四千丈并鐵釘鐵銷鐵鍋天橋環地釘椿龍骨木地平板萬年坊閘板絞關閘耳絞軸托橋木石灰香油麻柴灰等項及各匠工食約共該銀三十兩有奇其官夫廩糧工食臨期酌給一建涵洞涵洞以洩積水基址亦擇堅實方可下釘椿砌石水多則建二孔少止一孔假如涵洞一座口寬

一丈五尺身長二丈中立石牆一堵亦長二丈寬五尺分爲二孔每空寬五尺兩邊四鴈翅各一丈五尺共用石二百丈并地釘椿鐵錠石灰板木并各匠工食均該銀一百八十餘兩其夫役工食臨時酌給一建車船壩先築基堅實埋大木於下以草土覆之時灌水其上令軟滑不傷船壩東西用將軍柱各四柱上橫施天盤木各二下施石窩各二置軸木各二根每根爲竅二貫以絞關木繫幾

纜於船縛於軸執絞闕木環軸而推之一塊河凡挑河面宜寬底宜深如鍋底庶中流常深且岸不坍塌如不用隄須將土運於百丈外以免淋入河內凡創開河者每方廣一丈每天日開深一尺爲一工挑濬泥水相半者減十分之五全係水中撈取者減十之七八取土登岸而築隄者亦以半折算焉凡涵洞所以洩水本是無妨但須明設石閘以嚴啓閉若暗開隄址草本蒙叢便難覺察萬厯

八年奸民私囑官河主簿將南岸遙隄暗開涵洞  
數座十七年伏水暴漲單家口水從涵洞洩出勢  
甚洶湧一鼓而開遂成大決可爲明鑑矣司河者  
知之